

Մահտեսի Յարութիւն Մահտեսի Ղուկասեան :

Մահտեսի Մարտիրոս Պաղտատարեան :

Յամի Տեառն 1823, և Հայոց ՌՄՀԵ, 'ի 11 Օգոստոսի ,  
յԱրքայապետն Կոստանդինուպօլիս :

Իսկ Յարութիւն վարդապետ եղեսիոյ , որ 'ի սմին ժամանակի վարէր զպաշտօն Փոխանորդութեան Աթուոյն Երուսաղէմի 'ի Կոստանդինուպօլիս , առաքեաց զհրովարտակն 'ի ձեռն Կարապետի ուրուք , որոյ զբազում դրամն առեալէր 'ի ճանապարհի սարտեօք յանուն Երուսաղէմի , և յաւուրսն յայնուսիկ Քաղաքապետն Երուսաղէմի պահանջէր 1800 դահեկան նորասահման տուրս վասն պատրաստելոյ ծուխ Կուսակալին . Հայք ընդդէմ կացեալ ոչ ետուն , և առաքեցին զհրովարտակն հանդերձ աղերսագրով և այլ յանձնարարական թղթովք առ Կուսակալն 'ի ձեռն Յակոբ վարդապետի , զի առցէ դիր 'ի նմանէ ըստ մտաց հրովարտակին , չպահանջել ինչ այլազգեաց առաւել քան ըզսահմանեալն :



### Գ Լ Ո Ւ Խ Խ Գ .

Հրաժարական Պօղոսի : Ընտրութիւն Կարապետի 'ի Պատրիարք : Կանոնական բանք նորին : Բռնութիւն Քաղաքապետին : Ապտուլահ Փաշայ Աքքէի : Գնալ Գարբէլ Պատրիարքի 'ի Կոստանդինուպօլիս հրամանաւ ազգին և Տէրութեան :

**Պ**ՕՂՈՍ Պատրիարք Կոստանդինուպօլսոյ գումարեաց ազգային ժողով մեծ 'ի Պատրիարքարանն (1823 . 'ի 18 Հոկտեմբերի) . եւ առաջի ամենեցուն ինքնակամ յօժարութեամբ հրաժարեցաւ 'ի պաշտօնէ Պատրիարքութեան , պատճառելով զտկարութիւն անձին իւրոյ . թէպէտ եւ Ամիրայք յորդորեցին զնա չթողուլ զայն պաշտօն , այլ նա մատոյց նոցա զգիր հրաժարման իւրոյ և նոքա յանձն արարին նմա ծանուցանել զխնդիրն մեծի վէզիրին : Եւ 'ի վաղիւ անդ յղեաց զհրաժարականն 'ի Դուռն , եւ Նախարարք մատուցին զայն Արքայի , և նա գարձոյց վերստին